

Visoki predstavnik i prvi zamjenik posjetili Ured za reviziju institucija BiH



Glavni revizor Ureda za reviziju institucija BiH, Dragan Vrankić, sastao se danas sa visokim predstavnikom Valentinom Inzkom i njegovim prvim zamjenikom, Bruceom G. Bertonom.

Na sastanku je bilo riječi o rezultatima rada ove institucije i neophodnosti njenog postojanja ukoliko se želi postići što efikasnije i svršishodnije upravljanje javnim resursima.

Ured za reviziju institucija BiH je važan element u procesu jačanja odgovornosti javnih institucija Bosne i Hercegovine kada su u pitanju sredstva koja su im povjerena na upravljanje. Izvješća Ureda za reviziju institucija BiH daju jasnu sliku o tome gdje sejavljaju problemi u procesu trošenja javnih sredstava te pružaju vrijedne preporuke kako te nedostatke otkloniti.

“Ova državna institucija igra veoma važnu ulogu u smislu omogućavanja pravilnog funkcioniranja svih državnih institucija. Jačanje neovisnosti Ureda za reviziju institucija BiH, kao i unapređivanje provedbe preporuka, važan je korak u pravcu jačanja vladavine prava u Bosni i Hercegovini. Neovisnost ove institucije i njen neometan rad su profesionalna, etička i zakonska potreba,” rekao je visoki predstavnik.

Visoki predstavnik i prvi zamjenik iskoristili su ovu priliku

i gospodinu Vrankiću čestitali na imenovanju te poželjeli uspjeh u budućem radu Ureda za reviziju institucija BiH.

Galerija slika: